

BOSNA I HERCEGOVINA

Federacija Bosne i Hercegovine

Zeničko-dobojski kanton

Grad Zenica

Javna ustanova Bosansko narodno pozorište Zenica

Trg BiH 3, 72000 Zenica

U skladu sa odredbama Zakona o radu Federacije BiH („Službene novine Federacije BiH“, broj: 26/16 i 89/18), članovima 36. stav (1), 57., 59., 61. stav (1) i 65. Zakona o pozorišnoj djelatnosti ZDK ("Službene novine Zeničko-dobojskog kantona“, broj: 04/16), članovima 31. i 33. Pravila, te članovima 4., 5. stav (1), 7. i 10. Pravilnika o radu JU Bosansko narodno pozorište Zenica, a na osnovu Uredbe o postupku prijema u radni odnos u javnom sektoru u Zeničko-dobojskom kantonu („Službene novine Zeničko-dobojskog kantona“, broj: 08/19), Odluke br. 02-30-354-2/20 i Saglasnosti Grada Zenica broj: 02-45-12785/20, te shodno Odluci o raspisivanju javnog oglasa za prijem radnika u radni odnos (broj: 652/20), direktor Javne ustanove Bosansko narodno pozorište Zenica raspisuje

JAVNI OGLAS za prijem radnika u radni odnos

I

Na osnovu prethodno utvrđene potrebe o zasnivanju radnog odnosa na upražnjenom radnom mjestu u Javnoj ustanovi Bosansko narodno pozorište Zenica (u daljem tekstu: *JU BNP Zenica*) - organizaciona jedinica *Drama*, raspisuje se oglas za prijem na radno mjesto:

- **Dramski umjetnik - glumac**..... jedan (1) izvršilac/izvršiteljica na određeno vrijeme na period od dvije (2) godine uz probni rad u trajanju od šest (6) mjeseci.

II

Opis poslova za radno mjesto iz člana I, a kako slijedi:

- uvijek bava tekst uloge u određenom dramskom djelu i vremenu, radi tokom proba, u saradnji sa rediteljem, na oblikovanju uloge u skladu sa općom koncepcijom predstave, angažuje se samostalno u oblikovanju uloge, sprovodi utvrđenu koncepciju uloge i djela tokom predstave, tumači sve dodijeljene uloge i alternacije, epizode, statira, pjeva i igra u granicama svojih mogućnosti, savladava na vrijeme tekst uloge, a potpuno ovladava tekstem deset dana do premijere, po potrebi igra i u predstavama Dječije, omladinske i lutakrske scene, učestvuje u fotografisanju, reklamiranju, snimanju, gostovanju na TV i radio emisijama, obavlja i sve druge poslove neposredno proistekle iz prethodno navedenih u okviru djelokruga radnog mjesta po nalogu i uputstvima umjetničkog rukovodioca RJ Drama.

Osnovna neto plaća radnog mjesta iznosi: =952,00 KM.

III

Kandidati koji se prijavljuju na oglas potrebno je da ispunjavaju opće i posebne uslove i to:

a) opći uslovi:

- da je državljanin BiH i da ima prebivalište u BiH,
- da je stariji od 18 godina i
- da je zdravstveno sposoban za obavljanje poslova radnog mjesta na koji se prijavljuje.

Ljekarsko uvjerenje dostavlja kandidat koji bude izabran u roku od 15 (petnaest) dana od dana obavještenja o izboru u radni odnos.

Pored općih uslova predviđenih zakonom, kandidati za prijem na radno mjesto *dramski umjetnik-glumac*, trebaju ispunjavati i sljedeće:

b) posebni uslovi:

- završen najmanje prvi ciklus studija na univerzitetskom umjetničkom studijskom programu *gluma*, odnosno visoka stručna sprema (VSS) stečena nakon završenog studija na studijskom programu/odsjeku *gluma*
- i/ili priznati glumac sa najmanje deset (10) godina radnog iskustva na poslovima traženog radnog mjesta i
- učešće u umjetničkim projektima realiziranim u profesionalnim pozorišnim produkcijama.

IV

Kandidati za radno mjesto iz člana I, uz svojeručno potpisanu prijavu na oglas, dužni su dostaviti:

- detaljnu profesionalnu biografiju sa posebnim osvrtom na radno umjetničko iskustvo u projektima pozorišne produkcije;
- ovjerena kopija diplome ili svjedočanstva uz dokaz o radnom stažu na poslovima traženog radnog mjesta (potvrda o radnom stažu, radnom iskustvu, uvjerenje o završenom pripravničkom stažu ili drugi važeći dokument);
- popunjen prijavi obrazac/dodatak prijavi sa podacima koji se odnose na dosadašnji glumački rad i realizirana glumačka ostvarenja kandidata;
- tri (3) preporuke pozorišnih umjetnika i stručnjaka sa reputacijom u pozorišnoj djelatnosti i umjetničkoj produkciji;
- dokazi i potvrde o osvojenim nagradama i priznanjima za ostvarenja u pozorišnoj umjetnosti (ukoliko ih umjetnik ima);
- potvrde o učešću u programima dramske i umjetničke edukacije (ukoliko ih umjetnik ima);
- potvrde o učešću u međunarodnim pozorišnim projektima (ukoliko ih umjetnik ima);
- kandidati koji umjesto univerzitetske diplome (VSS) imaju srednju stručnu spremu (SSS), u skladu sa članom 21. Pravilnika o radu JU BNP Zenica, moraju imati najmanje deset (10) godina radnog iskustva na poslovima *dramski umjetnik - glumac*, uz dokaze o rezultatima rada i preporuku direktora Pozorišta;
- izvod iz matične knjige rođenih;
- uvjerenje o državljanstvu;
- potvrdu o prebivalištu – CIPS;

V

Uz prijavu na oglas, kandidati su dužni dostaviti dokumente o ispunjavanju općih i posebnih uslova, original ili ovjerene kopije koje nisu starije od šest (6) mjeseci (izuzev izvoda iz matične knjige rođenih), računajući do dana objave Javnog oglasa.

VI

Na osnovu Preporuke o transparentnosti i socijalnom aspektu zapošljavanja Gradonačelnika Zenice broj: 02-49-593/17, u slučaju da kandidati ostvare jednak broj bodova na osnovu prethodno definiranih uvjeta i dostavljene dokumentacije, prednost se može dati kandidatima socijalnog i posebnog statusa koji su: članovi domaćinstva bez prihoda, članovi porodice poginulog borca ili šehida, odnosno ratnog vojnog invalida.

U skladu sa prethodnim, prijavljeni kandidati mogu dostaviti i sljedeće:

- ovjerena kućna lista;
- uvjerenje nadležnog organa o pripadnosti porodici poginulog borca ili šehida, odnosno ratnog vojnog invalida - ovjerena kopija ili original.

VII

Primljeni kandidat po završetku konkursne procedure zasniva radni odnos na određeno vrijeme počevši od 01. 12. 2020. godine, uz mogućnost produženja ugovora, u skladu sa članom 22. stav (1) tačka b. Zakona o radu FBiH, članovima 61. i 63. stavovi (1) i (2) Zakona o pozorišnoj djelatnosti ZDK, te članom 7. stav (1) Pravilnika o radu JU BNP Zenica.

VIII

Uz svojeručno potpisanu Prijavu na oglas i priloženu traženu dokumentaciju, kandidati trebaju dostaviti i **Dodatak prijavi** sa podacima koji se odnose na dosadašnji umjetnički glumački rad i realizirana glumačka ostvarenja kandidata, a prema uputama koje se mogu preuzeti na internetskoj stranici www.bnp.ba ili u Sekretarijatu Pozorišta svakog radnog dana od 9 do 15 sati.

IX

Preporuke kandidatima trebaju izraditi eminentni i priznati pozorišni umjetnici i dramski pedagozi iz zemlje ili inostranstva koji su u toku umjetničkog ili nastavnog procesa rada na pozorišnoj predstavi / umjetničkom projektu saradivali sa kandidatom.

X

Prijavu sa svim pratećim dokumentima potrebno je poslati poštom na adresu:

Javna ustanova Bosansko narodno pozorište Zenica

(uz napomenu: „Prijava na Javni oglas za prijem u radni odnos - ne otvarati“)

Trg Bosne i Hercegovine broj 3

72000 Zenica

XI

Sa kandidatima koji blagovremeno dostave potpune i uredne prijave obaviti će se: usmeno testiranje - intervju i audicija, o čijem će terminu održavanja kandidati biti obaviješteni najmanje pet (5) dana prije održavanja, pismenim putem i putem e-mail adrese, ukoliko je ista dostavljena u prijavi.

Konkursnu proceduru provodi stručna komisija u skladu sa Kriterijama o postupku ocjene, bodovanja i vrednovanja prijave kandidata, načinu organiziranja usmenog testiranja (audicija i intervju) i Uredbom o postupku prijema u radni odnos u javnom sektoru u Zeničko-dobojskom kantonu.

Komisija u skladu sa postignutim ocjenama na testiranju sastavlja izvještaj i utvrđuje Listu uspješnih kandidata te iste dostavlja direktoru Ustanove.

Kandidati koji nisu izabrani na radno mjesto za koje je provedena procedura prijema, pismeno će biti obaviješteni najkasnije u roku od pet (5) dana od dana donošenja odluke o prijemu u radni odnos izabranog kandidata.

Neblagovremene, nepotpune i prijave kandidata koji ne ispunjavaju opće i posebne uvjete oglasa neće se uzimati u razmatranje.

XII

Konkurs ostaje otvoren 15 (petnaest) dana od dana posljednje objave, a bit će objavljen i na Oglasnoj ploči i internetskoj stranici JU BNP Zenica (www.bnp.ba), internetskoj stranici Grada Zenica (www.zenica.ba), kao i na Oglasnoj ploči Službe za zapošljavanje ZDK - Biro rada Zenica.

Javna ustanova Bosansko narodno pozorište Zenica nije obavezna vraćati dokumentaciju dostavljenu uz prijavu. Kandidati koji ne budu pozvani na intervju/audiciju, odnosno kandidati koji nisu izabrani, mogu preuzeti svoju dokumentaciju u prostorijama Javne ustanove, uz predočenje lične karte i pismenog zahtjeva.

Gramatička terminologija korištenja muškog i ženskog roda za pojmove u tekstu oglasa uključuje oba roda.